



UNIVERSITÄTS-
BIBLIOTHEK
PADERBORN

Universitätsbibliothek Paderborn

Von sonderbaren vn[d] fürtrefflichen Gaben vnd Gnaden deß Geistlichen Orden Stands

Piatti, Girolamo

AugsPurg, 1606

Cap. 8. Von Liebligheit so die G. Ordenspersonen auß der Armut
empfangen.

[urn:nbn:de:hbz:466:1-47598](https://nbn-resolving.org/urn:nbn:de:hbz:466:1-47598)

hen / welche bekennē daß darumben in die Welt
kommen / auff daß seine Aufferwöhlte das Leben haben / vnd
überflüssiger haben / das ist / ein frölicher vnd lieblicher /
ein vollkommenlicher / welches alle weltliche Grewd weit us
betreffe.

Von Liebligkeit so die Ordenspersonen auß der Armut empfangen.

Cap. VIII.

Ein Mangel erscheint in der Reli-
gion / auch an andern lustigen Brunnenquellen /
vnder welchen die Armut der erste ist / gleichwol
möcht solches von etliche für ein *Paradoxum* oder
Abtheur gehalten worden / welche / wie Dauid sagt / das ge-
maine Volck für selig haltet / die vil Reichtum habē / ein grosse
anzal Schaf / vnd die fruchtbar / auch ihre Speiskämmer ders
massen vol vnd angefüllt haben / daß eins ins ander muß ges
tragen werden. Aber disen falschen wohn des Vöfels wider
legt gemelter Prophet / da er vil ein bessern vnd warhafftigern
Spruch hinzu setzt : **Seelig aber ist das Volck /**
dessen der Herz ein Gott ist.

Dieses Volck aber welches also Gott zu einem Herzen hat
das ihme allein diene / vnd keinen andern Herzen erkenne / daß
allein Gott / wer kan in abred stehen / daß nit solche die Or-
denspersoner. seyen / welche auch darumb ein Volck genennet
werdē / weils solches nit sonderbar oder ainziger weis verlich-
ten /

eee iij

ten /

ten/sonder in einer Gemainschafft des ordns/der Regulu vnd
aller anderer sachen mit einandern verbunden / mit ihrer gros-
sen Anzal/ein Hauffgesind vnd ein Volck machen. Auff wel-
che sich reimet die wort des gemeldten Propheten Dauides:
Selig ist das Volck / welches waist sich zuerfretzen
vnd frolocken.

Psalm. 84.

Dann die gaist: Ordenspersonen durch ihr gemeinsamb
Leben/ machen dises Volck / welches inn steter Freud leben
vnd weil vil bey einander wohnē/gemehrt wird. Seelig dann
ist dises Volck/welches/ obs schon keine irdische Reichthum-
ben hat/ists dannoch zugleich von vilen grossen beschwertun-
gen befreyet / welche der überflus dieser zeitlichen sachen noch
wendig mit sich bringet.

Iob. 20.

15. Moral. c. 13.

Eben also werden wir billich künden sagen/das auch die
Glückseligkeit der Armut die erste seye/weils vō den vnglück-
seligen wesen der Reichthumbē weit abgesondert ist. Welches
wol verstanden hat der H. Gregorius der den Spruch Job
wann er schon ersättiget ist / werde ihne doch angst
werden / vnd grosse Hitz leiden/ auch allerley schmerzen über
ihn kommen/also auslegt / **das er ihn gang vnd aus**
vom reichen Menschen wil verstanden haben / der nemlich
mit dem überflus solcher sachen ersättiget seye. Dann zuwe-
spricht er/hat er schmerzen gehabt/ wegen der vnruhe seiner ei-
gnen begirlichkeit/wie er jetzt dises mit lieblosen/baldi jenes mit
tröwen vnd schrecken zuwegen bringe. Nach dem er aber nun
bekommen was er begert / ängstiget ihne alsdann ein andern
schmerz / wie ers mit sorgfamer forcht bewahre/was er mit
schwerer vnruhe vnd arbeit zuwege gebracht. Das er forcht
er allenthalben die Feind/vñ besorge zuleiden/wz er andern to

Der Reichen
vnglückselig-
keit.

gefügt hat. Entsetze sich ab den mächtigern / daß er nit getvahl
an ihne lege / sihet er aber einen Armen / so halt er ihne für einen
Dieb. Er ist auch gar sorgfelig / damit was er gesamblet we-
gen ihrer aigner gebrächlichkeit / durch vnfleiß oder hinlässigkeit
nit verzehret werde / vnd zugrundt gehe. Weil dann in allen die-
sen dingē die forcht an ihr selbst ein Pein ist / leidet der vnglück-
selige Mensch desto mehr / je mehr er forchret zuleiden.

Daß aber die Reichthumben mit so vilen vnd grossen bes-
schwernussen beladen / künden auch die Liebhaber der Reich-
thumben nit vernainen. Diß halten sie für gewiß / daß solche
verdrießlichkeiten / sie seyen darnach beschaffen wie sie wöllen /
mit vilen Nutzbarkeiten vnd Wollüsten / die sie mitbringen /
erstattet werden. Laßt vns aber sehen / wie hoch dise vergel-
tung zuschätzen / Dann wann wir die *principia* der Natur mit
fleiß erwegen / so werden wir befinden / daß alle dise ding so in
der Welt zusehen / dem Menschen zu einer Vnderhaltung
seind verordnet worden / welches gemeinlich stehet in Speiß /
Tranc / Klaidung / Wohnung vnd dergleichen sachen. Das
Gelt aber auß seiner Natur ist durchaus zur vnderhaltung
des Menschliche Lebens vntauglich / sonder man gebrauchet
sich des GELTS allein darumben / damit dise ding / wie gemel-
det / so zum Leben notwendig / desto füglicher mögen abge-
wechset werden / damit wie Aristoteles bezeugt: Wer in ei-
nem den überfluß hat / ihne den Mangel in einem andern er-
statte.

Dierteil dann das Gelt auß seiner Natur kein anders
Endt / oder andern Gebrauch hat / als daß der Leib erhalten
werde / so volget was mehr hat / dasselbige nit allein böß oder
schädlich / sonder ein vnnutzer Überfluß / vnd wann wirs recht
erwegen / auch ein beschwerlicher Last zunennen seye / so vast ist
die

Die Reich-
thumben habē
kein Nutzbar-
keit oder freud

Daß Gelt auß
seiner Natur
ist vntaug-
lich zur vnder-
haltung des
Menschlichen
Lebens.
I. Politic. c. 6

die Natur an ihr selbst mit wenig vnd schlechten sachen contentiert vnd zufrieden. In welchen/was dörffen wir ons lang des Exempels Stylteis / oder etwan eines Arsenij oder Mocharij gebrauchen/welcher strenges vnd hartes Leben/vielleicht gar wenig begeren nachzufolgen. Wir wollen Senecam einem Haidnischen Philosophum anhören / der eigentlich von dieser sache redet: **Das gebeut ich nit / daß der Natur** etwas abbrechest/dann sie ist halßstärzig/kan nit überwunden werden/ vnd begert was ihr gebürt / sonder daß du allen überfluß für ein gelihens Gut vnd kein Nothwendigkeit habest. **Mich hungert / Ich muß essen /** aber ob das ein gemainlich oder hartes Herren Brot seye/gehet die Natur nichts an/sie begert den Bauch zuersättigen/aber nit zuerlustigen. **Mich dürstet:** ob aber diß das Wasser seye/welches ich auß dem nachgelegnen Fluß geschöpft/ oder ein solches / welches ich auß einem grossen hauffen Schnee geschmelzt / vnd also durch ein frembde Kälte erquicket werde / gehet die Natur gleichfalls nichts an/das allein schaffters / daß der Durst gelöscht werde. **Ob das Trinckgeschirz von Gold oder Christall /** obs ein Glas oder Handt seye/ ist wenig daran gelegen. **Der Hunger blagt mich /** so strecke ich die Handt auß zu den nachgelegnen Speisen / was ich alßdann erwische / das hats mir geschafft/sie verachtet nichts twans hungerig ist.

Seneca epist.
120.

Lib. 29. Julian.

Daher gehören auch die wort des hailigen Jeronimus also sprechend: **Durch die Speiß wirdt die Not** turfft der Natur ersättiget/die Kälte vnd der Hunger/indem durch schlechte Klaiden vnd Speisen vertrieben werden. **Wann wir /** sagt der H. Apostel Paulus/ **Nahrung**

1. Timoth. 6.

und Klaidung haben/seyn wir damit zufriden. Die Wollust
 und mancherley Trachten seyn ein vnderhaltung des Gaißs/
 groß ist die Freud der Seel/waß dich mit den wenigern wür-
 dest contentieren lassen. Die Welt vnnnd alle Reichthumben
 mit Füßen treten/die schleckerhafftige Speisen vnnnd vnordens-
 liche Gelüsten / von deswegen die Reichthumben gesamblet
 werden/in schlechte Speisen verändern/vñ mit gröberer Klai-
 dung abwechseln: **Nimb hinweg den Ubersfluß**
 der köstlichen Speisen vnnnd des Wollusts / so wurde nie-
 mand's den Reichthumben nachfragen.

Jehunder wollen wir auch sehen/wie man so gar nichts
 auff diese Wollust halten soll/ja wie voller Gallen / vnnnd eben
 die so süß vnnnd lieblich scheinen / verdrießlich vnnnd bitter
 seyn. Solches beschreibe gar zierlich der H. Chrysosto-
 mus mit disen Worten: **Von köstlichen Mahlzeiten**
 kame her die Trunckheit/austhenung des Leibs/ die enge des
 Athems/der Schwindel des Haupts/vñ andere noch schwe-
 rere sachen mehr. Vnd dise zwar seyn vor Augen/Nachmals
 volgen darauff das Zitterle in Füßen/ die Schwindtsucht/
 der fallend Siechtag/ schwächung der Glieder/ welche schäden
 so groß/ daß man keins wegs einen so schlechten vnnnd kurzen
 Wollust so thewer kauffen solle. Hergegen aber die Gespä-
 rigkeit vnnnd ordenliche weiß zuleben/erhaltet vil mehr die Ges-
 sundheit/ welche auch mit keiner auß disen schädlichen Such-
 ten belästiget wirdt/ deren ein jede allein / vnnnd für sich selbst
 pflegt allen Wollust außzulöschten vnnnd zuuertreiben.

Gemeldter Chrysostomus setz noch weiter hinzu:
Wann schon dergleichen Schäden nit zu-
 fff befor

Der Wollust
 in mancherley
 Trachten ist
 ein vnderhala-
 tung des ge-
 ges.

Lib. de virg.
 cap. 69.
 Frächten des
 banckatierens
 vnnnd wolleßes.

Hom. 1. ad
popul.
Mehr Freud
hat die Armut
in ihr als die
Reichthumb.

besorgen / dannoch seyen grössere Bollüsten in der Armut
zufinden / als in den Reichthumben : Ein ding ist saget / in
welchem wie man vermainet / die Reichthumb die Armut über
trifft / nemlich daß täglich Wolleben / vnnnd in Malzeiten
vil Freud vnd Lust haben : Solches aber widerfähre auch
bey den Malzeiten der Armen / vnd zwar vil besser / als bey
den Reichen / dann in den Malzeiten machet die Natur der
Speisen kein Freud / sonder die Disposition oder Beschaf-
fenheit der Menschen. Seitmalen / wann einer mit hungr-
rigem Bauch vnd gutem appetit zum Tisck kombet / wirdt ihm
me ein jede Speiß / wans schon gemain vnnnd schlecht / ange-
nemer seyn / als etwan ein köstliche Tracht mit villem gestu-
vnd Specereyen zubereitet / welche aber der Noth vnd dem
Hunger vorkommen / wie die Reichen zuthun pflegen / was
schon herliche Speisen ob dem Tisck sehen / werdens ein
kleinen Lust empfinden / weil namblich der Appetit krafftlos
welches auch die tägliche erfahrung mitbringe / vnnnd die
Schriffe bezeugt : Ein Seel die vol vnnnd ersätti-
get ist / tritt das Hönig mit Süßen / aber der hungerigen Seel
ist alles bitter süß.

Proverb. 27.

Eben diß kan auch vom Trincken gesagt werden : Der
Durst machet das Franck gar lieblich / wann schon nur lau-
ter Wasser getruncken wirdt / daher ist vom Propheten Da-
uid gesagt worden : Mit Hönig auß dem Felsen
hat er sie ersättiget / nit daß Moyses Hönig auß dem
Felsen herfürgebrachte habe / sonder weil die Juden dur-
stig waren / zu einem solchen Wasser kommen / welches vil
süßer vnnnd lieblicher / als das Hönig gehalten. Das ge-
schicht auch mit dem Schlass / dann nit das waiche

Psalm. 20.

noch die versilberte Bethstat/nach das Gebott des stillschweigen/ oder etwas dergleichen/ bringt den Schlaf/ sonder die Arbeit vnnnd Müde/ welche machet/ daß wir gar schwerlich des Schlags manglen/ vnd aller schlafferig lieblich in Beth schlaffen vnnnd rasten/ von welchem der weise Mann gesäget: **Wer arbeitet dem ist der Schlaf süß/ er hat** Ecc. 3.
be wenig oder vil getruncken.

Ist also die Armut der Ordensleuth vast lieblich vnd voller Freyden/ welche so wol frölich vnnnd begnügt ist mit nichts haben/ als die Reichen mit vil Gelt vnd Gut/ ja wann schon die Reichen noch mehr vnd gleichsamb alles besessen/ danoch köndens zu keiner solchen Ruhe des Gemüts gelangen die sie suchen/ dann das Gemüt kan nit rühwig seyn/ es werde dann ersättiget: Mit den äußerlichen sachen aber laßet es sich nit contentieren/ sonder wirdt allein mit der Tugend ersättiget/ welche inwendig im Gemüt stehet/ vnnnd sonderlich in diser willigen Liebe der Armut.

Daher gewißlich der H. Chrysostomus/auff den Spruch Hom. 4. in Match. **Isaia** deutent/ nennet die Armut einen Ofen/ in welchem wider erneuert werde/ das Wunderwerck der dreyen Knaben/ welche das Feur im Ofen nit allein nit verlehret/ sonder auch als ein küler Luft/sie erquicket habe/saget also: **Daß die Armut zwar an ihr selbst ist ein scharpffes vnnnd verdrießliches Feur/ jedoch wann sich** Dan. 3.
 einer willig darein gibt/ vnd darinnen Gott danck saget/ als dann werden die Band auffgelöset/ die feurige Flammen außgeleschet/ vnd welches noch mehr zuuertwundern/ an stat der **Hier ein küles Thaw empfunden/ solches aber seye zusehen an**
 fff ij den

Vig. S. Augustini.
Die Armut der Ordensleuth vast lieblich.

Hom. 4. in Match.

Dan. 3.

den Dienern Gottes/ welche sich zu der Armut verlobet/dann
in der Armut seinds reicher als die gewaltigen/ vnd mitten
im Fetz/ mit einem heyttern vnd lieblichen kühlen Thamb
gossen.

Armuten
die willige Ar-
mut von etli-
chen Menschē
für seind/seelig
gehalten wer-
de.

Weil aber der Namen der Armut/vnangenem vnd seind
seelig/auch wann mans nun höret nennē/gleichsamb einen gar
hen hauffen übels für Augen stellet/ müssen wir kürlich vor
stehn/waher diser Truhumb vnd Betrug/ in den Herzen der
Menschen seinen Ursprung nemme. Entspringt aber auß
dem/weil (wie oben gemeldet worden) ein andere vnachtsame
schlechte/ auch schwere vnd mühsame art der Armut zu
den/die dise ding nit wissen zuunderscheiden/wegen der gleich-
heit des zweiffelhafftigen Namens/ dardurchs betrogen wor-
den/ vermainen daß eben die Vngelegenheiten dieser Armut
mit der gaisstlichen Ordensleuth übereinstimmen/ welches
weit fehl ist/ daß vnder disen beeden sorten ein grosser vnd
fältiger vnderscheid zufinden/ wöllen aber nur zwayer sum-
mer gedencken.

Zweifacher
Vnderscheid
zwischen der
willigen Ar-
mut/ vnd die
aus Noth her-
komet.

Der erste Vnderscheid stehet in dem/ daß dise Armut
che auß Noth/ vnd nit auß Tugend herkombe/ mit ein schlechtes
das Verlangen etwas zuhaben/ daher dann volgt nit alle
das verlangen zusuchen/ sonder wan mans nit überkombe
gesucht wirdt Erwigkeit vnd Sorgfältigkeit. In der geis-
lichen Armut so williglich angenommen worden vnd mit
len wirdt behalten/seind nit allein alle dise Beschweren
weit/ sonder wirdt auch so gar kein Armut gespürt/ dann
selbst geliebt vnd vast begert wirdt.

Epist. 120.

Daher sagt weißlich *Seneca* es ist nichts daran gelegen
du habest/ oder begerest zuhaben/ derowegen ist nichts

ser Armut/ welches sie peinige oder plage / sonder ruhet das Gemüt darinnen/ vnd ist damit wol zufriden/ nit anders/ als wans aller sachen den überfluß hette.

Der ander Vnderscheid ist / daß dise vnser Armut sich auff einen grossen heyßand fundiret / als nämbllich auff die Beyförg vnd Fürsichtigkeit Gottes/ wie auch sein gewisse verhaißung / welche Bertröstung die gemaine Armut nit hat/ dann daß ist der Pact vnd Bund/vnd also zureden/ein gemaine Verbindnuß / welche / wie der .H. Franciscus gepflegt zusagen / zwischen Gott vnd den gaistlichen Ordenspersonen auffgerichtet seye / daß sie nämbllich ihres thails alles verlassn / Gott der Herr aber hergegen schuldig seye / sie zuerhalten vnd zuerhehren / nit nur wie ein Herr die Diener / sonder wie ein Vatter seine Kinder/ vnd zwar solche Kinder/ die vmb seiner Liebe vund Freundschaft willen/ sich aller Menschlicher Hülf beraubt haben: Vnd so die Natur dem Kappen ein solche Lieb eingepflanzet / daß er seinen Jungen / wans ihme zuschreyen die Speiß zurägt/ vnd zwar von ferren: Wirdt nit von auch vil ein grössere Liebe vnd Fürförg denen er zaiagen die er geboren / vnd ein so edels Leben mitgethailt? Ja es hat auch die willige Armut der Ordensleuth dieses Wunderding an ihr / daß von allen Vngelegenheiten der Reichthumben befreyer / vnd dannoch derselben Nutzbarkeiten genieße / damit ihr nämbllich durch ander Leuth Mühe vnd Arbeit/ aber auß Göttlicher Güte / fürsehen/ an Vnderhaltung des Lebens/ nichts mangle/ welches eben zu diser Freywd dauon wir handeln sürnämbllich gehört.

Dessen möchten gewißlich von haillgen Menschen vil Exempel beygebracht werden/ aber an aller statt soll vns

fff iij genug

Liebe des H.
Francisci zur
willigen Ar-
mut.

genugsamb seyn der hailig Franciscus / ein sonderbarer Lieb-
haber diser Tugend / welches Liebligkeit er auff ein zeit also zu
uerstehen geben. Dann als er sich auff der Raiff nach
Francreich / mit seinem Mitgeferten Masseo bey einem
Wasserbrunnen nider gesetzt / das Mittagmahl zuempfangen
vndt beede die kleine stücklen Brot / welche sie von Haus
zu Haus erbetlet vndt zusammen getragen / so maissen thals
gar saur vndt hert gewesen / fürgelegt: Frolocket er im
Geist / vndt fahet an seinen Brudern auffzumundern vndt
zuermahnen / Gott dem Herren Danc zu sagen / wegen
eines so überaus grossen Schaks der Armut / vndt des
dasselbige mit sein allgemach erhabner Stimm zu
hollen. Als aber Masseus fragt / was doch dis für ein
Schak were / bey so grossen Mangel auch der nöthigen
Sachen / da weder Speiß / noch Wein / noch auch
kein Eißch vorhanden / hat er geantwortet: Eben dis sey ein
grosse Wohlthat / daß alle dise ding / die da abgehen / von
Gott erstattet werden / der ihnen ein Brot / vndt Brunn
auch einen Stein / so fürsichtiglich zubereitet habe. Vndt
aber als sie fortgezogen / fahet er an inn der nechsten Kirchen
die ihm begegnet Gott zubitten / daß er ihm vndt den
nigen die Liebe zur hailigen Armut eingeben wölle / vndt
daß mit solchem Eysen vndt Innbrünstigkeit des Geistes
daß sein Angesicht ganz feurig geschinen. Derhalben auß
antreiben solcher Göttlicher Hitz / wendet er sich zum Masseo
mit außgespannen Armen / vndt rüft ihm mit lauter
Stimm / welcher / als er sich mit Verwunderung vndt
setzung in die Arm des hailigen Vatters begeben / mit der
innwendige innbrünstige Eysen des hailigen Francisci
groß gewesen / daß er ihn allein durch den Achem des Masseo

lich Ellenbogen hoch in die Höhe erhaben. In welcher ver-
suchung / wie er selbst nachmals erzehlt / habe er mehr Süß-
igkeit empfunden / als zuvor in seinem ganzen Leben. Auf
solches sprach Franciscus / lasset vns gen Rom gehn / die
hailigen Apostel Petrum vnd Paulum anzuruffen / daß
sie vns vnderweisen / wie wir solchen fürtrefflichen Schatz
der Armut recht vnd mit Nutz besuchen mögen. Dann
er so fürtrefflich vnd Götlich / wir aber so schlecht vnd
verächelich / daß wir vntwürdig ihne in dergleichen Gefäß-
sen auffhalten sollen. Dann das ist ein Himmelsche Tug-
gend / die vns dertmassen lehret vnd vnderweiset / daß wir
aus vns selbst freywillig alle irdische sachen mit Füßen tret-
ten / auch alle Hindernuß hinwegt nimbt / damit das Ge-
müt des Menschen mit Gott seinem Herren / frey vnd gar
lieblich verainiget werde.

Die willige
Armut ein Höl-
melsche Tug-
gend.

Von Liebligkeit der

Keuschheit vnd des Gehor-

sams.

Cap. IX.

It weniger ist die Liebligkeit der
Keuschheit vnd des Gehorsams / als wie
vermeldet / der Armut / ja ist auch vmb so vil
größer / je größer vnd fürtrefflicher diese
Tugenden seyn / Vnd zwar von der Keuschheit hat recht
Abt Chyremon gesagt / daß / wer ihr Liebligkeit nie ver-
steht / solchewed künde verstehn / noch ders versucht genugsamb
aus

Cassian.
Collat. 12. c. 13.
Von fürtreffe-
ligkeit der Dis-
pens Keusche-
heit.